

Noticia & Informacion

Ki funcion e gleuf entre e nanishi y e boca tin?

Dificil pa kere, pero e gleuf ey ta hopi importante! E yama e filtrum, un palabra di origen Griego (philtron = liefdesdrank).

Na e parti aki tin 3 weso ta bini hunto, 2 cu ta

parti di e kaak, y uno di e nanishi. P'esey e parti aki ta sosteni pa 'kraakbeen', y cu mayoria biaha tin dos liña ta corre cu ta forma un gleuf.

Hendenan cu no tin e wesonan aki ta haya e asina yama 'hazelp'. Pero awendia cu un operacion chikito esaki ta resolvi.




Dicon bo ta sinti kishiki ora bo ta den un rollercoaster?

Maske kisas bo lo a pensa otro, bo stoma no ta pega na bo curpa. E ta keda na su lugar como cu no tin mucho espacio den e

barica pa e move, como cu tin otro organonan compartiendo lugar. Pero si bo bai den un rollercoaster (of simplemente den un auto coriendo duro y bahando di un sero) bo ta pone e pober stoma den un posicion unda cu e ta schuif poco di lugar. Si bo ta na halto, e stoma ta bai para casi te banda di bo pulmon, hala na banda e stoma ta hala bek abao, net na e 'middenrif'. Resultado di esaki: Bo por sinti mareo di stoma! Pero ta esey ta e pret!



E ROGANS



E ta un pelikaan of un ganshi, pero na Aruba nos ta jamé un 'rogans'. Na caminda pa bai faro despues di e casnan na Arashi, bo ta mira hopi riba e barancanan den awa. Ora bo bai lama tambe, tira un bista si tin rogansnan ta 'piscando'. Ta leuk pa keda observa nan movecion.

Na henter mundo tin como 8 diferente sorto di pelikaan. Esun cu nos ta mira aki ta esun bruin cu nek shinishi cu blanco casi geel. Su piek tin un largura di un liniaal (± 30 cm.) y bao di su piek e tin un flishi cu ta rek y sera - e saco. E saco ta carga como 10 canica di awa cu pisca. E awa ta sali bek na banda di e piek y e piscanan ta keda atras. Na Islanan Ariba tin masha hopi rogans y straño cu e por zona, pero na Aruba tin mas rogans cu na Curacao y Bonaire.

Ora e rogans ta piscando, e ta keda circulá halto riba awa. E ta 'zeilo' cu halanan hancho habri y su nek dobla paden. E ta rondia pisca. Asina cu e mira un mancha di pisca (school vissen) e ta dobla su halanan, rek su nek y ta bin recht abao, mescos cu un raket. Awa ta spart halto ora e cai na awa net mei-mei di e mancha. Bao awa e ta habri su piek y schep hopi awa y pisca.


Ora e rogans subi bek na superficie e ta rek su nek pa e guli e piscanan, mientras e awa ta sali bek na banda. E rogans ta broei den grupo. Nan ta traha nan neishi cu blachi seco y takinan riba nos rifnan of den e barancanan den lama, pero no na tera.

Nan ta pone 2 te 3 webo blanco. Ora e críanan nace, e rogans mester cría nan. E ta saca (braak) e cuminda cu el a warda den su boffi gewoon den e neishi. E chikitonan ta bin comé. Loke nan resta e mama ta come bek pa e 'cas' keda limpi-limpi. Ora e críanan ta poco crecí pero no por bula of zambuya ainda, nan mes ta drenta cu mitar curpa den e piek, jega te na e boffi di e mama pa haya cuminda. Tur ta bringa pareo pa jega na e cuminda y ta bati cu nan pida hala. Pesey hende ta kere cu ta e mama ta purba come su jiuñan.



Chabalito

Number 2 - Año X



leh 10/07

3.00

BIBLIOTECA NACIONAL ARUBA



3 0993 00018 511 6